



12193

張文定公四友亭集卷之八

七言絕句 一百二十五首

恭和

聖製三伏詩 八首

金火通靈向土中猶餘煩暑日
憧憧向風忽解吾民愠
賡罷薰絃仰舜衷

炎塵應不到宮中心切蒼生百慮
憧草屋清陰分殿
閣萬方誰不荷淵衷

相尅相生歲正中微金未掣火紛
憧九重一念蒼生

悅始信神機在帝衷

張文定公四友亭集卷之八

乙一

四山焚炙火雲中祛暑無由意
自憧鳴雨一番生夕爽
聖衷原自協天衷

節序俄流六月中人思避暑日
憧憧廟廊多少清涼客
懷念惟教切聖衷

廿載鑿坡侍禁中憫時嘗見
聖心憧堯仁舜孝真無
忝一德純全自隆衷

炎赫如爐溽暑中天邊飛鳥亦
憧憧臣心欲汲滄溟水
盡洗煩熇愜帝衷

大雲當午遍寰中
葺屋何堪暑氣憧
獨有蒼穹同

帝德一天涼雨慰宸衷



未齋宅賞梅次日枉詩招再賞不克赴次韻

觀梅去日尚書宅龜鼓犀杯劇勸酬欲更登堂夜吹笛
恐教花落誤僊眸

次賞梅韻答汝湖

三首

開到北枝春欲半姿容如此若爲酬知君賸有和羹實
明月華星故看眸

一枝堂上清無敵佳興全憑酒盞酬飲到昏酣君莫笑
只今誰是獨醒眸

玉堂仙子梅爲侶無語春風有唱酬我亦江南瀟散客
爲渠尊酒洗塵眸

張定公西文再集卷之八

詠綠萼梅

殊花隊裏偏殊色萬紫千紅未足酬春水洞庭回帝子
綠雲閒處愜凝眸

詠紅梅

昔日君王飲西子暈生雙頰興方酬可憐銀燭高烧處
徹夜尊前不瞬眸

哭陳宜山司徒

二首

憶醉瓊林三十年仁風猶自洽蛟川經綸未竟身先死
空復 恩光賁九泉

去年同奉西陵役幾向斜陽坐栢陰今日青山一垂淚

海天何處覓知音

輓同年張可齋少參

三首

藥宿春風憶少年
聯鑣接袂日週旋
鶴游今夜不知處
明月華星空悵然

故人落落已殘星
立望天南海嶠青
聞說鳳雛毛羽別
看依韶舞入 明廷

出處平生玉不瑕
十年詩酒暢南沙
稀齡鶴髮分歸去
嶺外棠陰飛暮霞

竹石菊花圖

二首

石逕清風携滿袖
東籬秋夕坐蒼英
明時不作靈均

張定公西亭集卷之八

八

三

賦別有箭韶協鳳鳴

莫以秋花名隱逸
文章如錦闥雲霞
清鬢并入琅玕色
凌厲冰霜更幾家

詹事府錄事湯生母吳氏輓詩

二首

忽報天南沉婺輝
燕臺游子泣無依
風枝夜遶烏三匝
如有清霜六月飛

中路青鸞顧影心
晚看雛鳳起雲林
丹山一夜西風急
江漢欲迷烟雨深

送趙績溪

二首

風神清灑濯玻璃
更有文章照錦溪
莫道凌雲心未展

鳳毛終自達天梯

發華中夜奪金星石照山前翡翠青
縣尹宵懷澄似水溪頭駐馬問生靈

送綏德守韓文卿

鳳嶺迢迢拱碧簪
玉華清映石堂深
雲中自古稱廉范
竚聽賢聲滿塞陰

送胡肥城

廷召 二首

鳳凰山上鳳凰游
四野薰風正麥秋
下馬况逢膏雨足
坐聽湖海遍歌謳

千里肥城接帝畿
故人東去思依依
甘棠處處懷先

張文定公西華集卷之八

子遲爾勳聲復九圍

送易璜之饒州司訓 二首

筆勢青年不可當
傳經今喜入鱣堂
斗山僊井輝叢玉
長嘯西風月色涼

西泉學易善風詩
今日家聲汝嗣之
好向鄱陽高振鐸
早携靈羽入天池

送陳體乾之順慶司訓 二首

攸江昔日艤樓船
冰玉輝輝映楚天
今夜一尊京國地
春風含淚話西泉

十載荆梁感舊游
送君西邁悵悠悠
巴渝弟子多英俊

猶記衰翁去日否

輓包子茂

次嚴山
官詹韻

衛水燕山落照中
旅魂何處駕長風
雲天泣盡孤兒淚
燈燼寒宵折寸衷

送周紹韓節推之建寧

二首

授簡當年倍眼青
最歡今日見雲翎
粵山燕水臨分袂
堤柳遙遙拂曙星

九曲溪流遶
枯蒼烟花不斷
四時香郢江瀛海從
龍

舊雲雨今看入建陽

紹韓之父詹事起自
皇上藩邸舊僚

送陳州倅之高郵

二首

張定公文集卷之

八

五

司空孫子秀風神雲錦層霄霽色新
南去維揚湖水潤
素心無處染緇塵

聞說東南歲屢災
征徭日富債誰裁
且看獨鶴凌秋去
還俟雙鳧奏績來

送張廷珮受封南歸

二首

霽雪燕臺春事新
錦袍初賜欲歸人
風烟正屬賢京兆
來日觀光更幾巡

四明山下老神仙
偶出人間自灑然
歸向碧溪塵不染
寵光長照石窓前

金相士漢

每說窮通必動人，荷卿書在轉堪嗔。還須相到無形處，心上經綸別有神。

送王石沙侍御按閩

三首

清薰冠蓋下金門，一騎青驄萬壘雲。明到閩山正秋色，玉簫吹向武夷君。

翔鳳樓前豸繡衣，吟鞭隨意指晨暉。八閩烟瘴消無日，已見清霜六月飛。

甌粵溪山天下奇，雨餘澄碧映玻璃。觀風莫憚盤紆甚，處處仙靈遲品題。

次韻答東橋大司寇新營息園

八首

張亮公自述集卷之八

六

避俗新營十畝園，渚烟溪月澹柴門。芒屨老去人爭席，邀取蒙莊與細論。

鑿渠開圃石城西，嫩韭芽薑綠滿畦。濁酒不妨清晝飲，嘉蔬時帶白雲携。

每將疎散謝欽峯，老入林泉類漢陰。風定水花澄晚色，日長潭影澹人心。

花徑斜通宿雨香，竹籬晴逗午雲涼。博山烟盡日西下，惟見碧沙松影長。

新布疎籬葦莢肥，閒鷗長狎海翁飛。幾人浮世能真息，鈎箔西臯坐夕暉。

廊廟群公倚棟梁留曹清暇卜林塘由來吏隱身
身兼郡未數前人綠野堂

有地都栽野草花當餐撥飯與飢鴉楓林半夜鳴孤鶴
夢落西湖處士家

堂開青玉遶千竿簾捲鍾陵入鏡寒幽勝極知同魏野
倩誰圖向九重看

儼山病新愈有詩見寄走筆答之 四首

禁雲藜火每相同矮屋時披鶴駕風十日違顏綠底事
欲携卮酒問規中

病起緘詩寄甬東夫容搖動鯉魚風持盃莫漫驚弓影
張定公四文亭集卷之八 七一

世事如花撒眼紅

病去精神便不同筆端隨意起雄風啓關明日來東閣
閒看浮雲大海中

鳳池麟閣佩丁東老去何嗟立下風文勢賢郎泉共湧

九霄看取狀元紅 時儼翁乃郎應舉監試第一

東閣閣卷 在桂翁製次韻六首

畫梁初燕午風時忽捧驪珠慰所思知有化一歸燮理

遽看紅艷簇繁枝

莫道看花已過時燮調寒燠係論思舉杯高閣聊相問

春在堦前第幾枝

清禁涼颺乳燕時美人相望更相思晨雲五色垂宮苑
徙倚金閨王樹枝

華袞朝端拜稽時縉紳中外懷瞻思上林雨露

多瓊樹

應許鷓鴣借一枝

千載雲龍此一時豈宜輕作故園思請看霄漢

輝羽

樓滿高岡樹樹枝

東垣齋閣罷朝時簾捲薰風有所思雲不須須嗟旱魃
會看霖雨澤枯枝

鍾石少司馬以所和桂洲苑中夜直紀事詩見

示次韻

六首

張定公西亭集卷之八

八

蕉園聽雨涼生髮短閣揮毫墨漲池喜起賡餘歡未畢

一燈吟到曉鍾時

雲垂宮苑雨飛飛金海祠深十樹圍此際輔臣劬露禱
九重傳旨慮露衣

雲根移石擁蘭苔雨後封泥養芋苗風致有餘生事足

任他吹帽髮蕭蕭

遊魚吞墨子雲池老鶴驚翻王露時秋盡幾盃

紫落酒

月明三唱竹枝詞

碧山何意日來賓巧對芳園似擇人墩屬謝人

石不朽

泉逢吳子號更新

小築亭臺玩物華
亂堆巖岫宿雲霞
鶯簧動處如迎客
鶯序分時似放衙

銅城道中遇雪

曉發銅城景象新
雪花紛舞碧茵茵
黃沙日日昏風裏
乍喜彌天散玉塵

東第 二首

老去迂疎百不宜
京華日日擬歸期
小居映竹兼臨水
莫喫霜髯學着棋

逢人對面隔崑崙
四海真誰似弟兄
欲乞步兵無酒量
惟應一喫老乾坤

張亮公四友集卷之八

九

東舜甫弟 一首

京華一見即開舟
十載衷懷話未休
爲我水邊多種竹
歸來平月上東樓

窮薄依稀綠野堂
幾年辛苦累擔當
憑君別作巢松計
閑徑斜通五柳塘

送馮主事謫官嶺南 二首

一片城南宿雪明
客程遙指嶺雲生
投荒萬里心無忤
五月三山夢不驚

南宮五感情都門
含淚看君行烟花
處處春相伴

新詩寄王京

送廖舟遇憲副提學山西 二首

年京苑荷深知幾度詞章見陸離別後不須頻問訊
月明知在數峯竒

二晉諸生秀且雄泮林齊慶得師宗叅翔藝圃應華國
近遂尊壘任折衝

過霸州 二首

州廬成燼野僵尸誰擁 天朝十萬師一日乾坤幾生
死路人惟說小錢兒

允榛白骨古城陰流水寒烟痛可禁縱是姦諛不識字
不應生世獨無心

蓬公西臺集卷之八

淮角樓

畫湖山興未降袁宏何處倚吟艖夜深淮角樓邊月

照東南楊子江

高郵湖

此湖中放小舟比來天地一輕鷗人生莫道風波惡
天地山河總是浮

白頭公棲櫻桃圖

屋輝明十二樓歌唇點點百花羞神僊覓遍無畱跡
春風吹白頭

奉和叔父訪戴秉誠詩韻 四首

秋來孤負連日晴出門一飲千金輕潘家橋邊水深處
修竹娟娟如有情

浩蕩乾坤心與寬興來何地不追歡逢人但有尊中綠
處世無勞物外丹

買得幽居老樹陰破簷常蔽月華侵園田昨日新收芋
有客何妨坐夜深

探易高人最可憐每因相訪得幽玄人中合下渾無我
地上元來都是天

畫眉樓杏樹圖

雨過秦山杏子垂御園春色久離披可憐京兆渾無事

張定公望亭集卷之八

猶有閑情與畫眉

送張司理好韶南還

二首

昨日辭家向京國鶯花三月旅愁新遣懷賴有吳門酒
無限春風對可人

時予與廷韶同舟之京

文采翩翩過玉臺薦書多少說君才也知別有升騰日
五雨清薰且暫回

黃梅雨過鳥偏啼雲錦歸來日未遲喜見康強雙白髮
弄孫堂上正含飴

題畫贈徐子容太史歸省

二首

十年恩露鳳池身歸覲湖南鶴髮親烟樹樓臺涵鏡裏

王人元不下紅塵

相國門前湖水清，登龍人識使君名。芳尊夜月輝冰玉，應有經綸與細評。

子容爲守溪先生，臂俱住西洞庭。

午風亭

爲序菴太史先生三首

青草池邊綠樹枝，晴空白日颺游絲。湘簾半捲飛花入，正是午風吹客時。

午風亭上好詩篇，吟向風前自灑然。明日鳳凰池上地，還將一首和董綫。

幾度園亭陪列僊，僊家風月總無邊。如今獨向江湖遠，回首瀛州思惘然。

整定西溪集卷之八

美人寫情圖

插起春懷強自禁，早應援筆寫煩襟。姿容已覺嬌無敵，莫遣愁多更捧心。

輓奉川劉司訓

二首

京國音年初識面，春風橋梓正敷榮。海天白髮今何處，斷簡疏檣夜雨聲。

孤兒疏縞淚痕多，驥足思馳更坎軻。吉水西風錢墨，諸生空日泣田何。

題畫菜

謾說離疏二十年，歸家還復墾山田。隱之牙頰長清苦，

散萊根來亦自然

先兄手植紫荆盛開二首

露洗參橫紫玉新
輕風搖颺亦堪親
捲簾春色年年事
惟見花開不見人

手植繁紉二十年
年年粧點艷陽天
玉郎一去無消息
洒淚東風獨黯然

承少叅西江先生見惠瑞香二本詩以謝之首

何事岩蜂早放衙
春風香散野人家
重重翠碧黃金繞
知是薇垣第一花

暖日游絲炷瑞香山
庄何幸染餘芳
奇花本是神仙種

張定公西亭集卷八

三

來自仙家味更長

再謝菊二首

湘江隨興解金魚
歸葦湖明舊隱居
表仲門前黃菊種
分將三徑破荒蕪

長日虛堂對碧山
壯年先喜越塵閑
歸翁莫怨無萊婦
會有名花好伴閑

輓相軒族祖

湘江哀詠攪愁腸
嶺樹千重波
兩行歸覓履
葦無舊迹
一簾芳草映池塘

春景圖

舉世何人是子期
春林徐步日斜時
還家莫把村桐破
流水高山亦故知

夏景圖

長日虛亭映碧山
涼風吹樹玉珊珊
劉茶應悔拏舟晚
金薤憑將滿載還

秋景圖

梁父吟成意獨雄
白雲紅樹正秋風
時來便逐轟雷去
今是滄江暫蟄龍

冬景圖

謫仙樓閣楚江濱
萬木瓊瑤照眼新
忍記玉堂游衍日
張定公定公五集卷之八

不知人世有埃塵

題畫竹

四首

平生性僻愛簷簷
特下湖南泛楚航
解組歸來頭未白
清風應自滿瀟湘

昔年曾倚碧琅玕
霄漢風高玉署寒
下筆驪珠光映骨
一時人作鳳毛看

君家庭院少塵埃
帶雨將鋤破綠苔
種得三竿兩竿竹
開門只放子猷來

昨過黃州上竹樓
九疑峯下雲悠悠
不知何處瀟瀟雨
亂洒湘江一片秋

夏至日東樓即事次惟靜林韻

無情花對有情人情到忘時總是春鷺下池塘窺伺急
燕嚙芳草往來頻

相逢莫問是何人且共壺中麴米春寄語西隣舊知己
來過百遍未爲頻

晝靜高樓望美人傷心何日更陽春秣陵山色吳江水
碧樹斜陽感興頻

千人人上萬人人剛領乾坤一掬春細數漢朝并六代
英雄屈指未能頻

薰風池館絕行人一軟金疊滿面春乍入芡盤魚跳劇

張文定公詩集卷之八

五

誤衝蛛網蝶驚頻

一自東風別美人可憐孤負此青春江籬米采盈衣袖
欲寄無由洒淚頻

從來天地少閒人勘破塵中處處春綠忝田邊青草路
傍人莫笑冶遊頻

數盡飛花不見人玉壺芸閣坐來春鳥無忌色窺簾入
雲弄晴光轉樹頻

萬軸牙籤寄昔人分明心迹幾千春薰風短榻悠然卧
夢與羲皇語語頻

悠悠南國想佳人觴罷瑤池幾度春賦得祁招天路隔

臨風空憶雁魚頻

鳴蜩何處已驚人雲暗青山不見春更恐秋風容易發
回天遙憶魯陽頻

江鄉六月旱愁人禾黍平疇不繼春已限蜚廉狂縱極
雨龍湏起莫辭頻

萬子書成不遇人遲遲芳草獨傷春不知何處鍾期耳
解向牙琴探領頻

長白山中苦學人晨昏齋粥十經春雲霓一日出山去
四海蒼生引領頻

湖南三載謫仙人幾度江花感暮春綠髮已憐渾病骨
張定公吳五集卷之八

君王莫恠乞骸頻

岩築莘耕豈異人翻身一舉萬方春訓護千載昭如日
誰向青宮獻納頻

少小相期到古人磋砣三十七年春曉來剛道塵機息
猶自虛窓愧復頻

堯夫心訣受誰人獨領先天不盡春猶有潛夫荒徑底
衡門深掩絕常頻

龍起玄間便澤人歸來幽洞却私春升天下地無留跡
唯見風雷鼓震頻

仲蔚門前無故人湖山竹樹但餘春爐烟日午薰簾幕

時聽黃鸝喚友頻

卷之九

林下今真見一人薰風傾盡玉壺春平生出處應無恨
何處孤舟拍浪頻

金殿當年侍 聖人仙桃親挹九重春風波一失身千
里愁對巫山暮雨頻

張文定公四友亭集卷之八

張定公四友亭集卷之八

六一

里憇禮巫山暮雨醜

先天不盡春猶有浩夫荒徑

金殿當年侍 聖人仙桃親挹九重春風波一失身千

何處孤舟拍浪頻

木幽洞却私春升天下地無

林下今真見一人薰風傾盡玉壺春平生出處應無恨

何處孤舟拍浪頻

木幽洞却私春升天下地無

張文定公四友亭集卷之九

七言絕句 一百二十一首

贈且翁叔 四首

衡門瀟灑似陶家吟遍江湖兩鬢華
五柳不禁風瑟瑟 畫輸秋色與黃花

東園添箇碧琅玕欲與西隣老阮看
喚取床頭新竹並 共酣明月五更寒

深林曲徑長苔錢心遠由來地亦偏
每歲秋風瓜芋熟 不須親種鹿門田

去縵枯桐漉酒中似陶居裏似陶人
黃梔花發山窓曉

張文定公四友亭集卷之九

乙

先通幽香入近隣

次質甫弟韻 六首

每為思君懶上臺池塘春草獨徘徊
歸舟忽艤槎川曲 風雨連床又幾回

帶海禁江古粵臺君來曾向此徘徊
西風欲變王孫草 為問何年蕩子回

荆江烟樹幾年情最喜西津見小程
恠底相逢又相別 登樓遙望闔閭城

執主懸勲弱歲情培風千里信雲程
玉京 天上神仙 府十二瓊樓映五城

孤禽飛倦且請休欲向盧家問莫愁猶是承平無事日
捫心高閣在神州

未合強年便乞休山窓誰識杞人愁身遠 漢闕三千
里心在虞封十二州

題畫犬

西風回首憶山林野草疎花意不禁明日荆王游獵罷
屬車多少載獾禽

題畫猫

千家萬家都畜猫猫不在時百恠置囊中饜餐復不少
要得王魚長立朝

張定公愛高集卷之九

狼攫雀

飛飛走走各有適黃雀乃使狼麴得征禽有翼須九霄
莫更栖栖向蓬籬

兔

昔年攀桂領秋風見爾天門第幾重明日玉堂歸視草
請君來即管城封

次韻答惟靜叔寄興之作 二首

新搆衡茅一兩間軒窓睡起不勝閑湘簾暮捲薰風細
坐歎天南片片山

八龍南下海雲晴抱甕年年歎此生但得

君王解無逸不妨辛苦老昇平

贈別質甫從弟 二首

湖頭欲別問歸期
儒雅風流似子稀
幾日對床歡未足
暮雲秋草思依依

知君客邸定思鄉
嶺樹江雲鴈幾行
我亦故園無一事
清風三逕憶裘羊

送李巨川 二首

君去豪遊誰可同
明山烟樹鑑湖風
湘江愁客如昨日
萬里蒼梧夕照中

舜水仙舟此暫同
百壺清酒片帆風
黃童幾處歌遺德

張寔齋集卷之九

都在甘棠蔽芾中

草虫扇圖

郊牧秋生淡淡烟
幽花香草總依然
微虫不解悲離別
吟向城南思婦邊

題畫

碧峰高處是天台
楊柳森疎映綠苔
滿地午風塵不到
杖藜行過石橋來

聞張應辰於中秋夜醉眠石橋

玉泉亭子闌長川
星月光涵上下天
吸盡百壺人不見
更誰能解石橋眠

中秋月下獨坐

疎星淡漢浸長江
鈇笛聲中白鴈雙
月不負人人負
月桂香浮露冷軒窓

題木芙蓉

芙蓉江上玉無瑕
霜信來時殿百花
不似東園桃李樹
春深無面對烟霞

輓西庄 二首

雲邊花鳥樹邊溪
都屬詩翁舊品題
明月去來人不見
數聲猿鶴暮山西

西庄門掩草萋萋
上有黃鸝語翠微
五柳花飛春雪暗

張孝公西亭集卷之九

四一

斜陽惟見白雲歸

登鄧峯望海題育王寺上塔

記得當年黃鶴樓
凭闌閑看漢江流
鄧峯今日層霄裏
幾點青上海上浮

為裴景文妹丈題畫 四首

北堂四月萱花生
半捲湘簾畫景晴
游子他年歸莫晚
薰風多少倚門情

曾辭金馬下湖湘
莫遣傍人笑似狂
一點赤心君識取
由來何地不傾陽

此是仙宮第一枝
千人頭上手携之
滿前秋景誰爭得

高步風清月朗時

御園風色暖紅塵走馬天街捷有神美酒一壺春萬斛
澹香濃露滿衣巾

明歌

次李嵩渚
韻十首

襟江帶海越王州三十六峯環石樓絕壤萬年無戰馬
平疇千頃散耕牛

斲罷松苓洞口香張衡梅福舊山鄉桂花石首黃金色
何處季鷹愁夕陽

遠分龍節大洋瀕曾辱前朝翰墨身子固無詩猶有恨
天教洛客賦陽春

張定公詩集卷之九

五一

曾乘海舸泛洪波補陀洛迦山外過儂是張鷟第幾葉
星槎應許問羲娥

鳴鶴場西峯插天鑑湖春暖水生烟紫芝猶產黃公墓
明月誰乘賀老舸

蟪蛄州裏勝中原已自隋唐歷宋元傍水鮎嶠浮蜃氣
如山倭舶艤蛟門

秦始求仙下越州畫舸彌月寄東流金鱗玉粒佳山水
忘却咸陽集鳳樓

家世衡茅罌脰湖湖灘香稻給樽壺不應昏醉在空谷
欲儼王公石作徒

方郎歸款偃天兵，盡洗翁山島嶼清。
高麗琉球千屬國，大嵩觀海百金城。

王几山南甬水春，琅玕芝草絕埃塵。
時人只解揚州好，未說明州好向人。

除夜述懷

歲暮羈魂倍黯然，白雲遙駐漢江邊。
想應今夜懷遊子，坐數祁陽路二千。

白溪道中 二首

春午烟銷日色開，碧溪清淺鳥飛迴。
沿流小艇輕於葉，卧看青山片片來。

張定公與李集卷之九

六一

十日春風迸草芽，竹根纖笋列平沙。
巖巒立倚清溪瘦，上有孤梅橫數花。

送王侍御清戎 二首

湖南尺藉久紛然，蛇鼠縱橫自昔年。
明月一輪懸漢水，清霜千里肅蠻烟。

岳陽北去五百里，鄂渚自雄黃鶴樓。
登眺忽來廊廟客，望中應感昔人憂。

王孝子

夢迴殘月想容輝，風物淒淒淚滿衣。
野燒不傷堅孝志，墳廬千柳自依依。

雙烈婦

雙鸞原上恨無依
慘淡寒風白日西
身世百年甘一死
悲啼不作杞梁妻

寄竹溪周道士

悔不當年着羽衣
緇塵終日傍輪蹄
美人自住山深處
明月清風滿竹谿

望歸山

婦寺忠言未可依
女嬃來意豈全非
西風立望巴河水
千載湘纍負姊歸

丁丑十一月五日

歸州阻風時自荆劍
回司八首

張定公西亭集卷之九

七

朔風江上阻歸船
五日爲期六日愆
黃鵠山椒寒似水
白頭燈下夜如年

玉雪孤懷每自憐
塵中冰鑑竟誰懸
祗應上有天翁識
又遣蜚廉打客船

燭淚偏依客淚垂
客心未與燭心灰
顛風不禦垂天翼
雲路還須任往回

巴河一出路三千
輕葛登途敝緼旋
莫道苦心無識者
中天明月正高懸

清齋應比太常多
午夜思親夢幾何
途路阻修寒暑易
更無心及采藍歌

日日瞻雲思轉深，鵠行歌罷欲抽簪。
畫船銀燭風波裏，自撫平生孝養心。

羈懷寂寂捲簾頻，日午戶饗告乏薪。
欲撥土囊迴噫氣，危途又恐逆來人。

洪濤日夜鼓雷霆，履道誰能顧險夷。
不是倚門心正切，肯將蹤跡爲身悲。

題萬里長風卷

燕臺極目想鄞江，江上奇峯洞八窓。
誰拂峯前一片石，長風萬里促飛幢。

送葵軒叔祖之南京

二首

張定公全集卷九

八

吳越山川路不賒，秣陵西去亦吾家。
儀曹舊熟過庭禮，菽水今供膳部茶。

青龍山遠鳳凰臺，二月烟花處處開。
官舍曉鍾清夢醒，白雲千里度江來。

寄質甫客嘉興

每日吟哦聞北隣，別來尊酒爲誰春。
五臺山外雙溪水，欲買吳船一問津。

欲訪景文親執不果

西江望望似天涯，欲訪袁羊嬾問槎。
一榻午樓清夢醒，春風吹老杜鵑花。

謝新甫惠筆

中書君老指揮難吳穎傳來斗柄寒
明月道經歸尺素白鷺先送近隣看

謝質甫惠筆 二首

自許回春在筆鋒
禿翁無力意徒濃
東隣獵得中山物
乞向池頭起螯龍

惠連別後少新詩
風雨床頭感舊時
擗管今朝忽千首

張家潭作謝家池

寶珠茶 一名鶴頂 丹六首

濃於錦綺大於盃
天女何年費巧裁
似怕春花羞妬甚

張定公西齋集卷之九

九一

一枝先向歲寒開

萬紫千紅總不如
山堂寒日大鋪舒
纖姿艷色庭階晚
未到陽春春有餘

光景今朝愛殺人
殷花白雪相鮮新
老梅江上無顏色

尺五盆中占斷春

瞞月江城春欲生
乾坤無那雪縱橫
梅花却也潛蹤跡
讓與山茶獨自爭

積雪庭堦火一拳
眼中無事鬧喧喧
群英此日無消息

獨與乾坤領大元

滿院翻飛白羽翰
一枝紅艷玉闌干
想應天女渾無事

特地粧成鶴頂丹

題畫

四首

杖藜今日還何處只在蒼苔白石間許大乾坤群動裏
也應容我一身閒

昔人糟粕我經綸萬卷幽廬思入神樹碧山青頭半白
拄筇終日看秋旻

塵世紛華了不關西風束手鬢毛斑傍人莫道生涯少
屋下流泉屋上山

愛煞修篁解掃塵野翁長自擬神一揮毛扇山河裏
豈是尋常林下人

張定公西齋集卷之五

十一

爲方立夫題畫松

庭院君家苦不深我來偏得洗塵襟炎蒸六月坐終日
消受徂徠百丈陰

次屠東明韻二首

長途何幸得方舟柳帶鶯簧處處柔淮酒一尊人似玉
東風渾洗客邊愁

三月清江共客舟人情春色兩溫柔年來識取浮生事
自許眉端不掛愁

歌風亭

次陳希孟韻

漢家事業今何在萬古乾坤見此亭人世幾更陵谷變

臨風猶似挹威靈

曉發龍阬

汀沙敲浪攪愁眠，月落村墟幾樹烟。
自起推蓬看風色，鳴鷄茅店又開船。

中秋夜泛江

彈絲八月下黃州，獨占人間萬頃秋。
江漢直通天漢轉，星槎應已達牽牛。

重登黃鶴樓

曾見神仙跨鶴回，高樓明月共徘徊。
十年江漢重修約，萬里長風破浪來。

張炎西吳真集卷之九

十一

入臬司有感

一官曾寄楚江濱，別去湖山又幾春。
石鏡亭深栢臺古，重來無復舊時人。

過岳陽

瘡痍八月逾南州，懶向岳陽登舊樓。
范老不知何處去，江湖誰共說先憂。

城陵磯阻風

五首

西風嫋嫋洞庭秋，擬上瞿塘潦未收。
翹首鄉關不知處，滿江烟雨獨維舟。

兩月辭家路未遑，欲行不得心悠悠。
滄江坐厭白頭浪。

青鏡還慚浪白頭

衝風湖口泊樓船怒浪中宵但熟眠行止不勞人計較
陰晴明日又占天

瓣香江上訴湘靈莫更淹人宿洞庭舉目高山與流水
援桐欲寫有誰聽

霧雨朝昏天柱峯却慚湘水吊來重靈均一去魂何處
數盡征鴻漫采葑

江上偶述

山城月出鴈飛鳴一別佳人歲屢更細數平生無愧色
坐看江水鑑空明

張定公白雲集卷之九

峽口瞻雲

行盡荆南又問津夢魂時度甬江濱秋風峽口瞻雲地
揮淚空懷易播人

姊歸山憶亡妹

阿妹青年在九原我生空復憶婢媵姊歸山下游人淚
不待瞿塘夜聽猿

南沱

扁舟峽口又南沱黑石青灘涉歷多莫道越人初到蜀
少陵詩裏幾經過

巴陽峽自荊州至萬縣七十二灘

巴陽峽口望周溪，疊石層厓處處奇。
聽盡灘聲七十二，大觀還許上峩眉。

始食川魚

行李蕭蕭一束書，西來寧爲食無魚。
獵車未應非熊兆，慙愧姜公罷釣餘。

青衣渡

少小携書向木天，江湖流落已強年。
桑弧不負男兒志，直到青衣古渡邊。

送胡叔明東還

四首

何事黃金費買隣，栢臺天自遣相親。
旅愁千種消無地，

張定公西亭集卷之九

三

日剖聊筒對可人

自是仙家第一流，每從藥裏見神樓。
錦江目送青牛發，碧海心懸紫氣浮。

水姿瀟灑在風塵，浣水驚看翰墨新。
見說能罷春入夢，親闈歸抱石麒麟。

天涯頗望海雲飛，梓國行看棗萼輝。
亦有倚門人萬里，山臨水送君歸。

璠龍山

二首

見說璠龍萬丈高，雨中登眺却忘勞。
飛泉亂洒千巖雪，都入黃陵作怒濤。

來上風門第一巔，肩輿百轉始扞天。
雲間霽色不藏塵，息一顧長空萬玉聯。

德陽觀孝泉有感

家住東南萬里天，鴻書不至又經年。
春風匹馬旌陽地，愧飲姜詩舍外泉。

龐公墓

遺風千載仰孤高，三尺荒墳映野蒿。
漫說身亡還食力，路人相薦只溪毛。

岳池縣分司後有黃楊二本，赴任時與亡妻王

孺人觀之，明年再過此孺人歿百有三十日。

張定公西亭集卷之九

古

矣泣賦一絕三月二十三日也。

寒宵燈火憶盤桓，抱病相隨蜀道難。
最苦望來雙淚眼，春風依舊樹團團。

重經廣安州分司悼亡

石梯堂背倩人扶，立倚闌干憶舅姑。
今夜月明風露冷，珮環猶到此山無。

曉發廣安

四月一日雲冥冥，曉放扁舟篆水經。
面面青山逐江轉，捎篷急雨混灘聲。

過內灘

十折番舫下一難
暗崖石乳驚湍
眼看蜀道難如此
忽憶飛車駕角端

登蓬州江山一覽樓

二首

樓閣重開竹樹深
碧山雲日半晴陰
美人何處音塵隔
白髮江湖獨滯淫

花滿山城燕子飛
映江春樹轉斜輝
白雲東去八千里
杜宇數聲人未歸

嘉魚阻風雪贈縣令虞東厓

五首

三日大風如怒雷
曉看飛雪暗江來
尊中美酒爐中炭
都費南嘉令尹裁

張定公西亭集卷之九

十五

十載重樓漢水濱
舜妻堯女豈無神
迴颺急雪淹三日
指點南畝見可人

金華自昔多才彥
江上逢君又出群
莫嘆眼前風浪惡
濟川舟楫正如雲

夔龍何必勝臯陶
典樂明刑各有曹
聽取呻吟變歌頌
誰云州縣職徒勞

呼卿問鴈昔何人
子在嘉魚獨苦辛
甫抱江河蘇涸轍
漁翁莫謾下絲綸

南嘉對雪六首

雲暗江天混不分
消蓬急雪亂紛紛
孤舟野渡迷昏曉

惟有濤聲飽聽聞

徬陽子半欲升騰急雪寒雲萬壑冰坐撫玄機推物理
人心復後貴巖疑

洞庭衡嶽共氛氲七十一峯惟片雪墮地瓊瑤如解珮
好於何處問湘君

歷盡西行幾百灘灘聲日夜使心寒來到南嘉六千里
還聽飛浪打江干

天涯幾度獨霑衣而視躬扶萬里歸高浪拍天行未得
隔簾愁對雪翻飛

水國天寒飛雪花占年何必太交加雲師風伯莫漫逞

張定公高集卷之九

十六

多少無衣卒歲家

還自西川望見黃鶴樓

徘徊三楚幾經春西蜀歸來兩鬢新羽翼未生波浪濶
西風空見鶴樓頻

張文定公四友亭集卷之九

張文定公四友亭集卷之十

七言絕句 一百五十六首

過衢懷崇陵方思道僉憲

巴蜀歸來兩鬢秋，草堂西瀼幾經遊。
江山歷盡無佳句，欲訪崇陵不自由。

鄱陽漫興 二首

久廢嘔吟惜病身，神工苦祓索詩頻。
洞庭彭蠡兼旬歷，凍雪寒雲兩度新。

片玉全將宇內崩，羲之無地銜鷺翎。
野鳥不解嫌身黑，白晝公然立遠汀。

張文定公四友亭集卷之十

餘干大雪 三首

乙

湖上茅廬四尺強，門前深雪與簷當。
姜肱海內同胞滿，安得衾裯覆萬方。

湖天彌月雪紛飛，獨整萊衣萬里歸。
小第即今年十五，能將寒燠問庭闈。

野曠陰風太劇寒，小舟終日卧袁安。
挽回造化非難事，無限陽春在筆端。

雪夜泊南康懷族祖覃湖先生叔父岫雲先生

槎湖家世有文章，宦轍年來遍四方。
騰雪移舟泊星子

暮雲回首望萍鄉

戊寅歲七月二十六日梳得白髮一莖

岩築莘耕學卓成百年身世萬年名流光我亦三旬五
一事無能白髮生

小姑山 四首

江潭直下幾千仞特拔高標自聳然移却石根平地上
危峯應是頂青天

四空雲淨起蒼龍已覺郡山在下風莫道小孤年力弱
中流千古獨專雄

莫將地位論高下身不高時孰比倫君看小孤潭底立
孤標猶自聳嶙峋

張文公四孟集卷之十

二

七月八月天女怒歡會無多費往還從此綠雲拋不理
擲將高髻向人間

贈鄒山人

江東六月苦炎蒸倚遍闌干卧未能有客到門青竹杖
滿庭飛雪灑清水

輓張僉憲尊翁

青溪瀟灑葛天民桂子蘭孫奕葉新忽送衰麻辭鄂渚

滿江秋雨正愁人

送劉毅齋致仕 三首

傾蓋留都話世盟清尊飛閣看雲生路岐今日臨分守

滿地江山無限情
西山道院淨炎威暫倚清薰俯翠微
一片飛帆千樹裏
無人不羨避塵歸

梓國歡迎晝錦新捲簾花影上吟身
不須魚鴈傳消息
知領吳淞處處春

劉生爲其師周元昌乞輓詩

歲闌岐路幾牽衣此日秋光冷敝帟
書帶草深人不見
四天風雨暗文溪

雪中有懷孟有涯中丞時孟公新納侍姬

雞山雪裏不勝寒只尺都臺會面難
坐想玉人雙侍酒

張定公合集卷之十

三

儘將風景傲袁安

入谷

竹爐烹雪似山家受領乾坤萬玉花
寄語清閑陶學士
風情莫向党姬誇

送同年黃文之乃兄

壬季當年共碧艤吹簫伐鼓下湘江
鳳凰臺之三
指點秋空白鴈霏

月梅

千林凋盡不周風遠水長天相映空
萬玉江南耀片月
人間都是廣寒宮

雪梅

良工貌取藐姑仙移向茅堂三伏天
滲骨寒光禁不得直思狂飲酒如泉

風梅

倒盡卮筩爛醉歸無端物色正輝輝
梅花不解悲春老故挾東風作態飛

雨梅

羅浮夢斷興無從粲粲明妃偶此逢
猶似紅塵嫌未洗更教零雨爲修容

題畫

張定公西齋集卷之十

四

翠碧層層入上台石橋深樹幾徘徊
仙散去不知處惟見飛泉天外來

月川

八月風高淨野烟誰將匹練燒
瑤天南華一卷詩千首思共素宏夜榜船

明湖卷

爲余子奇畫士

大海西邊余子廬鏡光浮動石窓虛
江心萬里誅毫盡獨榜沙棠玩鳥魚

贈東沙叔筆

明月宮中白兔毫一揮光采照林臯
如今妙入張芝手

擬看軒窓動海濤

謝東沙叔紙次

讀

薛濤去後豈無箋
吳會傳名亦有年
分得右軍三百幅
玉華猶自帶雲烟

北窓高卧圖

二首

葛巾三伏頭慵戴
濁酒百年情獨真
一榻薰風天地裏
不知門外有炎塵

叅餘蓮社枕孤琴
免作人間苦熱吟
不是翁家無六月
日移松影北窓陰

題畫葡萄贈王郡判歸田

二首

張定公西庄集卷之十

五

幽幽庭院紫烟飛
千尺高棚片月輝
雲散碧空珠額濕
無人不道雨龍歸

昨夜葡萄酒釀成
冰壺秋映露華清
高懷不換涼州牧
携取滄江破俗情

題畫

四首

翠羽飛飛此暫休
金丸公子莫貪求
枝頭儘漏春消息
歸向瑤京十二樓

片月高懸萬壑涼
拒霜花覆縞禽雙
神仙此夜莫吹笛
殘葉不禁秋滿江

曾傍天孫錦綉機
來呈支米鳳凰池
碧琅玕下和鳴日

未解人間有別離

細草蒼崖映碧洲
野棠花發春悠悠
山禽立向烟霄遠
欲語東風不自由

槐思堂

爲紀善林翁賦四首

海上羣巒孤草亭
高槐六月覆簷青
捲簾長日薰風細
空抱遺編憶過庭

昔日栽槐枯復榮
孝心真自格幽冥
魏公事業今希濶
看取生兒有寧馨

楚山吳水宦情淹
歸老烏紗映雪髯
寂寞草亭人不到
綠槐陰裏月纖纖

張定公西亭集卷下

六一

金沙洲上石麒麟
授簡驚看翰墨新
羨爾庭槐由手植
垂陰百丈坐思親

梅菴

草蕃數尺風凄凄
嚴寒誅雲留碧溪
溪梅放花玉不染
海鶴一聲明月西

涓厓先生以和乃弟尹先詩見示口占次韻三
人心天命本融貫
就裏一私都不容
安得萬方皆會極
眼中無異亦無同

鷺魚飛躍各有性
無量乾坤誰不容
萬葉千枝惟一本
憑君識取異中同

達順古來由體信工夫都不在修容請看世路平如許
了得同時便不同

疊前韻答誠齋老先生

二首

齋居默默感前事祖宗功德天爲答肯堂肯構在今日
臣子要知家國同

四月雨過日皎皎千峯萬壑添姿容聞說西山更佳勝
欲往游之誰與同

賜翁疊韻

齊紈初裁玉雪淨清逼塵埃無地容
九重新看明月下萬國正喜和風同

張定公四文集卷之十

七

瓊州鐘筠溪以畫竹索題

海外瓊厓別是天曾無霜雪有嵐烟菊花自稟凌寒色
傳向京華更灑然

送陳節推應魁之南寧

三首

授簡橋門記昔年百千人裏見才賢如今萬里邕州路
直領清風下綺川

會辭金馬下荆溪營道南頭望九疑君到蒼梧秋正好
滿船明月渡湘灘

綠袍烏帽鬢初新瘴雨蠻烟幾間津勳業古來皆力致
試摩銅柱想前人

送楊巡檢之安河

雲暗扶桑凍欲深，都門日日杞人心。
溪山見說閩中好，送汝南行興可禁。

袁判簿壽圖

二首

昔年種得紫琅玕，洒洒清風碧水寒。
春日鳳雛棲宿滿，不妨留取老來看。

滄海東連董子城，曉天遲日正春明。
青山不老人長在，爲聽烟霄鶴唳聲。

南圃

碧藤交處閣炎威，綠樹陰中隱翠微。
野鶴未歸人寂寞，

張定公與吳集卷之十

八

薰風翻亂芰荷衣

題鴈圖

飛鳴宿食四首

惜別音書苦不早，江北江南思何杳。
征鴻此日何處來，渚蓮落盡秋光老。

風物淒淒晚色幽，蘆花如雪滿汀洲。
雲天莫更多嘹唳，昨夜征人正遠愁。

瀚海陰山風氣肅，南飛直到衡山麓。
來往悠悠霄漢身，平沙豈是長栖宿。

帝城游倦暫暫東，歸堪歎縮塵滿素衣。
鴻鴈有翰隨節序，應知不爲稻粱肥。

建譽即事 三首

至堂春晝昔徘徊佳句全將苦思裁今日推敲渾不費
青山自貢好詩來

林邊清陰澗澗邊聲愛劇深山只管行行到夕陽青未了
淡烟濃樹遠含情

亂峯堆裏禪居隱落日松風興無盡山僧乍喜遠客來
手把長鏡斲新笋

桂 二首

上天之載元無臭何物西皇却有香識得無中含有意
十分竒惟在尋常

張文定西亭集卷下

九一

浮雲歸盡舊山蒼雨水東連碧海長五夜清秋矜月色
一庭涼露鬱天香

鳴鳩吟

陰雲漠漠曉山幽滿地薰風動麥秋世上但言鳩喚雨
不知元是雨催鳩

出建譽回首

伏龍橋上倚天峯古寺斜陽興未慵况值一番春雨後
留人山色十分濃

壽武進王翁

堂上含歡接令兒綺筵晴晝列新詩群仙尙晚不歸去

清酒百壺花滿枝

畫鵲

經年牛女不成歡好事人家處處難想是靈橋通昨夜
特來清世報平安

白頭

海上鯤鵬大且修培風直上九天遊忽然下顧榆枋地
不會高飛也白頭

睡鳩

老竹叢中睡鷓鴣不知能有夢魂無人今已苦天淫溢
汝到醒時莫浪呼

陸定公西亭集卷之十

送黃守和之涿鹿二首

十一

楚楚冠衣過玉堂舊家人物自殊常他鄉有酒莫辭醉
隨見西風斷鴈行
鴈行中斷未須悲玉季才名天下知君去京師纔百里
肯教聲問到來遲

富池廟

富池廟傍青山曲映江千樹森森綠野鳥無數夾檣飛
慣向舟人攬梁肉

新江十咏

梁山伯廟

廟前荒草夕陽多廟裏殘碑字不磨一點純誠千載話
乾坤留取激顏波

石將軍祠

石塘孤嶽碧崔巍來往來人日幾回猶有英靈呵百鬼
清風時散紙錢灰

夾塘觀漲

潮來潮去年年事惟有詩人眼自青愛見清秋三五夜
夾塘水滿月晶晶

新渡橫舟

江畔羣山暗水雲江中風浪百愁新臨流莫道舟兒小

張定西齋集卷之十

十一

解濟東西南北人

五港秋月

森疎楊柳列平沙露冷橫塘淡淡花玉笛一聲塵不動

明月照橫斜

百丈春波

山家春暮酒如油每日堯花帶雨流倘遇山中避秦客
試從新水泛漁舟

高衙義塚

文君昔日賦溝水只自生前已不平爭似新江一片月

影流江底却無情

禳會龍潭

何處 潭競絲舟烟花飛動海天秋年來禾黍豐穰甚
不醉新醅未肯休

寶慶晨鍾

夜來夢落吳松水竊聽德風窗外起青氈一幅小堂前
清枕數聲殘月裏

新菴舊鼓

新菴道人舊擊鼓潛龍起聽黃鶴舞我欲拏舟訪故人
白雲遶遍新江潏

南峯 二首

日日南山霧雨深欲看騰豹久沉沉若花自解流光彩
揮劍誰當掃暮陰

南峯遙望碧林滴竹樹陰深水滿池正好從龍向中土
蒼生多少渴雲霓

送毛景學 二首

瀟灑鄞江美少年珊瑚鈎映紫霞天碧山雲樹家千里
一夜春風促去舡

綠槐堂下酒盈卮離思悠悠醉後時豫想還家無別事
薰風六月稱臨池

賀與疇侍御父母雙輓 二首

鳳卷山前鳳自單青鸞何處恨漫漫燕臺寂寞無人地
千里遊魂夜月寒

祝肖當年事可忘栢臺今日見賢郎花驄踏遍天南北
風木蕭騷倍慘傷

元日

自昔桑蓬射四方年來蹤跡太奔忙即思三十三年裏
幾度新正在膝傍

和周約菴詠新荷 四首

盆池夜半雨浙瀝正值詩人夢醒時清興滿懷消未得
起邀殘月弄參差

張定公內直集卷之一

十一

誰家庭院鬱清香風露九霄吹晚涼忽憶夜舒荷畔事
雲光開曙到斜陽

朝來卷荷夜忽展恰似鈎弋舒拳時露珠團團含璧月
眼中得意君其差

長夏炎威洗不徹盆池自集無邊涼藕簪捧出數圍碧
便與天地爭陰陽

夏如山少叅樂閒園十二景

仁高峯

瀟洒江南李正臣九華湖裏碧嶙峋由來慣作丘山夢
纔上高峯便絕塵

仙遊洞

洞裏神仙無四隣，一尊清酒四時春。
白雲封處菴花亂，似恐漁翁欲問津。

漫興寺

憶昔高蹤元漫郎，獨於塵表恣徜徉。
心隨人意真堪笑，坐撫幽亭興自長。
元次山嘗云今之任者目隨人視耳隨人聽口隨人言心隨人意

天香屏

上天之載無無臭，何物西皇却有香。
識得靜中含動處，十分竒性在尋常。

獨坐臺

張定公四安亭集卷之十

八

十四

樂閒白雲飛，上有孤臺倚翠微。
莫謾凌高誇獨憩，中天明月對依依。

歲寒逕

最愛君家耐久交，縱橫蒼翠但條條。
貞心勁節水霜地，桃李溪邊止寂寥。

惠脉清流

閒倚虛亭俯玉泉，意中流水澗中絃。
山靈自慶逢知己，日遣清音到耳邊。

澗潭隱豹

采采方池白玉蓮，水光雲影共悠然。
小橋橫度青山曲

別有靈岩問洞天

爛柯枰

入山偏早出山遲曾看山中一局碁
忘却輸贏閒束手轉嬾仙子費推移

觀魚處

堪嘆人生與道違昏迷終日履危機
誰知得意清泉裏自是游鱗識所依

虛白書舍

秋潭收潦鑑空澄江郭無雲壁月生
素屋翠屏埃塈淨坐來風物倍光明

張文定公西亭集卷之十

八

五

迥碧山房

斲鑿天工巧不如竒峯移入暨陽墟
想應鍊石成功後還坐山房對碧虛

博文堂

爲光澤王題三首

瀛海東南竟遠天文瀾竒處合江川
試攀若木臨無際盡洗曹騰萬頃烟

烟烟双眸淨不埃百年墻面可勝衰
從頭閱徧書千種獨自凌空見九垓

虛堂開向楚江湄華扁傳來自玉墀
文翰百榭詩七步士林今復見陳思

金口書懷

十首

戊寅正月廿七日

森疎楊柳暗沙灘
寂寞春宵卧亦難
心事十年燈一盞
扁舟江上雨聲寒

竹村先生美且顯
春風劍佩翩然來
寧澗清談細詩律
高歌一遍親顏開

竹村先生美且仁
望中桑梓時相親
楚江風月未題品
黃鶴仙人思見君

竹村先生美且鬢
老親爲爾羞春盤
春盤滋味應澹泊
武昌之魚聊可滄

河洛遊畋過十旬
楚天雲雨暗芳春
孤臣欲寫螳螂思
吟未成篇淚滿巾

張定公因交亭集卷之十

入

共

湖天寥廓興如何
自古浮雲蔽日多
最苦歸來彭澤令
葛巾猶復詠荆軻

細數從前幾令名
功勳端不負平生
漢家雄傑塵埃裏
應是麒麟閣未成

宦情羈思水雲鄉
翹首天閣路渺茫
山鳥自鳴花自發
滿舡風雨度瀟湘

童冠六七舞雩風
堯舜功名在此中
克己未能思濟物
儘教千載咲荆公

默默孤舟有所思
東風擷遍楚江籬
塵埃物色真難事

嗟苦人生未遇時

孝思 二首爲遂寧趙普
養舉人斐之父賦

先生賢孝是吾師曾向巴渝數問之
今夜秣陵人不見一尊江月對孤兒

閒看世事有銷除禹績堯封摠是虛
獨有性直常不朽萬年人識普翁廬

十月十九日 四首

小春佳氣滿高堂遊子瞻雲路脉長
預數歸期逢臘八綵衣還許奉霞觴

從將黃卷伴青襟每向黎明坐夜深
今是萱闈初度日張定公函冬集卷之十

有誰能識望雲心

辛勤陶母少歡懷但願年來好事諧
欲酌醴泉承笑色待看春雨潤蘭階

梧桐山對鳳凰山遊子衣裳鳳羽斑
分得王喬丹竈藥緘書先遣鳳飛還

過巴陵遇風雪柬蘆泉劉用熙

巴陵重係木蘭艇欲訪城南辟穀仙
鳳管不知何處去滿天風雪暗蘆泉

醴陵望萍鄉感叔父

鳳凰山下醴泉清寒月依依傍楚城
東望萍鄉纔只尺

不知更鼓尚分明

又感亡弟

記得錢塘話未闌行舟相顧淚沈瀾今來望汝經遊地
落木蕭蕭楚水寒

醴陵道中東望茶陵悼西涯先生

二首

枯木蕭疎度晚鴻渚江寒颭海天風碩人歸去不知處
七十二峯烟雨

日落天寒楚水湄亂山相對使人悲如今海內無知己
當代文章定屬誰

邵陽寶壑

張宛公夏高集卷之十

一

十一

懸汝荒山質自竒靈音先遣四方知 明廷我亦夔龍
手他日須看綵鳳儀

孔子山

二首

類回港上柳搖金孔子山頭草色深雨裏獨來尋舊迹
臨風一想轍環心

回車埠上動遐思萬古江山此去時莫道子西空楚業
天教留取百王師

麻城道中

薄雲疎雨淡麻城雨過分明出翠屏花木萬山爭獻巧
風烟三月總含情

曉發崇陽

杳溪溪上雨霏霏綠樹藍袍映隔堤道誼古來人所契
未應流水限東西

官塘驛二首

莫以驅馳笑利名策名元只爲蒼生長途僕馬郵亭飯
慙愧當年伐輻情

岩巖山路困征鞭野館梨床卧即斝庭樹無聲江月白
夢魂依舊玉堂寒

送劉都闕之滇南二首

直蘭城外碧雞峯金馬迢遙秀幾重列幕塵清無一事

琴定公西亭集卷之十

十九

橫戈閒對綠芙蓉

柳陽立馬瘴烟收鄂渚清尊別思悠莫計滇南天萬里
伏波勳業照千秋

送陶鴻臚還京二首

仙居遙傍玉堂清偶作滇南萬里行江漢春風回使節
萊衣重慰倚門情

昔年踪跡未星沙親聽絲綸下翠華今日湖山天萬里
啣情立望五雲槎

荆門道中見插秧

荆南五月種春田歌鼓喧喧遍楚天二十年來誦爾雅

好於何地薰絃

送汪守岩之京

六首

碧樹漳河動早秋
驅馳千里入神州
五雲深處開金鏡
萬玉聲中拜冕旒

赫赫先朝舊學臣
錦棚牙軸遺來人
緋袍此日回丹闕
白筆當年侍紫宸

幾年湘水望雲情
九日彭山憶弟兄
歸去倚門看色喜
春風棠棣正敷榮

伯氏吹埴仲氏篔
登堂吾亦薦新詩
霓裳細轉瑤池月
綵輝聯玉樹枝

張定公與意集卷之十

十一

遼左功勳高士論
湖南風節最官評
簡書飛處豺狼息
霜節臨餘犴狴清

閩闕勾吳占地靈
文章京苑舊家聲
漢江樓館荆山麓
目送鵬飛九萬程

送李嵩渚之官廣西

二首

君去豪遊誰可同
明山烟樹鑑湖風
湘江愁客如日
萬里蒼梧夕照中

舜水仙舟此暫同
百壺清酒片帆風
黃童幾處歌明德
都在甘棠蔽芾中

長至日寶珠茶大開

三首此花開於二月
今至日開故紀之

菴源深處野人家
客子不來空與賒
梅月一天輝萬玉
西風又綻寶珠茶

莫訝枝頭噴火紅
朱炎含蕊到玄冬
霜巖雪谷寒威極
一點春光萬落烘

獨領陽春立歲寒
冰霜不敢犯彫闌
鶴鳴遼海昂朱頂
鳳起丹山耀紫冠

酬江翁送鯉

太守清貧類謫居
江湖滿地食無魚
山行乍感漁翁意
爲賦新詩手自書

子規曲

張定公文集卷之六

廿一

征人莫厭子規啼
啼到悲時路轉迷
金貝遶身天萬里
不如先放馬頭西

八隆山

茅屋柴扉石子墻
野人偏自愛山鄉
蒼松翠篠層層見
紺雪微風處處香

松泉

爲朱錦衣賦二首

風標渾似謫仙人
夙與松泉是主賓
京館對談疑澗壑
不知人世有黃塵

五湖烟景幾時歸
松影泉聲遶翠微
城闕夢迴鄉縣隔
倍隣風月正依依

題蔓菁

龍起南陽行雨時蔓菁巫峽正含滋曹郎日夜養生葛
百萬豺貅不敢窺

壽諼圖

帶得天朝雨露香羽冠雲帔粲華堂宜男老覺忘憂甚
簾捲薰風日正長

九節僊靈

昔年方外訪麻姑分得靈巖九節蒲滄海月明看玉潤
幾迴庭宇映水壺

恩承雨露

張文定公四友集卷之十

昔年吟倚碧琅玕銀漢斜流玉署寒飛散墨花雲五色

一時人作鳳毛看

淡月黃昏

白雪歌殘興未降幾回飛夢落西江玉人相見又相別

淡月幽香流客窓

張文定公四友亭集卷之十

張文定公四友亭集卷之十一

七言律體 八十六首

擬御試庶吉士題讀五倫書有述 乙未四月十六日

天章開處人文燁爲想乾坤再闢餘萬國共瞻 皇作
極千秋重觀洛呈書星回曙色明金薤風引脚雲覆石
渠止喜 神孫光紹述贊襄無術欲何如

文華殿奉

命校閱庶吉士試卷有感 是日上親灑宸翰賜試題方今時務何爲大論讀五倫書

有述

碧梧交影鳳凰池

張文定公四友亭集卷之十一

七

天上奎章下玉墀時務要觀今俊傑遺書思復古倫彙
青宮霽色看飛翰東觀春陰憶賸詩誤沐恩私三十載
白頭空負

聖明時 私治乙丑選庶吉士內閣試春陰詩

恭和

聖製謁 諸陵紀述韻

輦路清塵幾執膻萬年彙典此敷張游觀汾水勝唐帝
賡詠卷阿集邵康已見 諸陵升瑞氣况逢晴日麗東
洋 鑿回詔草傳元老海宇春風樂未疆

送太子太保大司馬鳳山秦公之南京 次周約 卷少同

精輝南紀耀南躔文戈勳威此並專腰玉共看新 寵
渥鬢霜爭覩舊名賢襟期老向雷都適風月秋於澤國
偏駐節澄江一盃酒碧山無恙擁真仙

春日遊南城 二首

翔鳳樓開雲水濱偶乘公暇問青春風煙畫鎖千巖靜
宮殿晴臨萬木新鶴背虹霓窺寶鏡龍盤奎壁耀貞珉
才華自愧張平子空復神都探領頻

逶迤籞宿遶層闌松檟陰陰紫殿寒竹引井泉通翠釜
鳥街林盡下瑤壇五雲挾日河山麗 六御行春雨露

張定公嬰志集卷之十一

二

寬翹眷函風亭咫尺詠歌天保及斯干

丙申清明陪祀

西陵先期發昌平口占

山郭鳴鍾靜曉風依依楊柳日初融千峰秀出青天外
獨樹華明翠栢中土岷自迎春氣發溪磬應為霽消雄
許身報國頭今白悵望諸陵摩碧空

陪祀 茂陵

夜半松林有磬聲親臣初上薦粢明倚天樓觀輝金井
極北山河壯王京 百代勳華宗

聖德萬年發鼎勒鴻名廷僚拜罷瞻 仙躡巖月沉輝

斗柄橫

陪祀 泰陵

憶抱烏號三十年 困陵今夕倍凄然
庭華有淚山經雨 林木無聲月在天
燈燭上搖銀漢影 衣冠齊染玉爐煙
龍輿彷彿祥雲裏 春滿乾坤

聖澤綿

祀陵罷還宿昌平鷄鳴起坐速行

邨店鷄鳴坐擁衾 郊行三日望雲心
貧依祿養鄉山 遠老覺慈恩瀚海深
宿雪溪流初漾碧 春風堤柳吐搖金
肩輿步速登堂早 華髮斑衣舞吏任

張定公西亭集卷之十八

三

還自天壽山途中手循白木帶鉤感而詠之

三十年來此帶鉤 野人供具物無充
清風擬古堪殷輅 敝質於今稱卜裘
欲換瓊華非德比 終憐樛素與心謀
山川海宇經行遍 對爾還驚雪滿頭

隆慶堂爲吳子範盛

吳中大姓首東吳 堂構襟江廈帶湖
世業庭槐高結幄 人文龍馬巧呈圖
蜀川賡詠思薇省 白下鳴聲託碧梧
卧起海濱吾自首 清時爲汝奏訐謨

輓光祿卿劉毅齋

鳳臺鷄閣幾歡娛 今日江陰事可吁
雨薜印殘安履

露華啼老步兵厨身依黃鶴雲中翼卷蒲驪龍領下珠
風月湖山誰更主舊游多少泣寰區

送全教諭之常熟

青氈隨處集才英奎璧南沙耀此行九月寒砧催木葉
五湖煙艇落鴻聲漫將白日銷塵思未委蒼天逐世情
高爵大勳知不負玉堂仙子正馳名

和介溪宗伯居守京城紀述之

霽日龍輿迎緒風青溪碧山爭映空虎旅乍歸儒
天書坐鎮禁林中石渠編簡輝

皇運芸閣經綸屬

張愛合盍集卷之十一

帝衷文武昔人推吉甫即今台鼎卜全功

子夜傳宣 詔旨重

帝城居守屬南宮藝軍河洛真隣鄧文似相如舊識雄
天漢流聲雙闕下日華浮翠五雲中 山陵扈 碑回

瞻地玉堞金鋪駿爾功

山陵與陽峯宗伯鄰居枉詩次韻

借得宮監住宅深繞垣松栢晝陰森鄰居幸倚新祠部
賡誅頰驚老翰林華送雨香來曲徑月移峯影入虛襟
共追僊蹕論前事林壑風清猿夜吟

中元日介溪宗伯招於來玉亭賞蓮次後渠宮

詹韻是年春予留禮部
于

盆池

南宮栽藕暮春邊
此日來看十丈蓮
目睫如分上池水
扁鵲飲上池水
視見垣一方人
衣襟原帶若溪烟
論姿合貯黃金屋
倚鏡真疑碧玉仙
最是主翁歡正洽
醉歸猶恨月明前

又疊前韻酬介溪

宗伯承恩下日邊
更邀南省翫芳蓮
光分碧沚涵新月
香逐清薰透晚烟
落紙幾驚詩社聖
開樽真擬酒中仙
臨風戲折荷筒看
搖曳絲綸在眼前

送黃上舍標回上海

儼山之甥

潞河初日淨炎氛
辛苦歸航淚雨紛
家世源流還似舅
張定盦文集卷上上八
眼中英邁總輸君
一尊黃浦沿新月
萬竹清渠映夕曛
獻歲束書須迅發
早秋京國竚梯雲

龔雲岡官諭見訪偶盆池荷開不問主人獨觀

而去他日枉詩次韻

盆池六月花可憐
天然秋水絕妖妍
銀河斜流露盤側
玉井倒浸雌蜺顛
主人踈嬾清賞缺
客子吟哦佳興偏
湘妃瓊珮粲如許
何必區區千葉蓮

七月廿二日翰林東署邀儼山後渠二宮詹賞

蓮疊禮部來玉亭韻

三首

方塘幽勝玉河邊
亭午香霏石鏡蓮
乍喜客來收澍雨

却教花妬領風烟容輝淡蕩湘江珮風采道遙鶴上仙
斜日未須輕別去會看清影綠尊前

水花搖影掖垣邊白髮相看詫炬蓮太液池涵金掌露
若耶溪遠北扉烟人間偶識新粧面天上重回鷺謫仙
四十年來稀會客百壺須盡晚香前

鄙人生長越溪邊每日溪頭看采蓮瓊茁手栽春畧雨
錦龍臨賞玉堂烟華峰影動如迎客蓬島塵銷只住仙
別去有詩重訂約似公豪興更誰前

盆池

八月十八日桂洲招飲席間疊來玉亭賞蓮詩

張定公白雲集卷之十一

六一

韻贈崔後渠之南京

重承

恩露鳳池邊金炬光分爇采蓮湖上開尊酒日月座中
揮翰落雲烟大江東下通三島鍾阜西來駐列仙廿載
相逢遽相別不禁飛興塞鴻前

來玉亭續集賞蓮

次介溪宗伯韻二首

南省招邀集藕池水鄉浮動錦雲枝重逢勝侶追歡地
忽憶去年臨賞時劍倚洛城流寶氣珮搖相浦薦瓊卮
洞簫吹罷江南曲亭館薰風午漏遲

珠壓翠盤明灩露香霏幽閣轉涼颺緝衣未擬南洲客

把盞疑臨太液池，伏雨乍收神。芳塵不動意俱遲。
舊遊仙子顏如玉，洛水鍾山幾夢思。

送吳榕東工侍歸肯陽

朔風塞上清沙磧，御月燕臺蒲曙輝。
萬里河山看鵠舉，九霄雲日際龍飛。

龍飛碧壺泉注三蓬島，烏石山連幾翠微。
就裏神仙萃淵數一尊瀟洒共蠟扉。

孫季泉太史奉母太夫人南歸詩以贈之

棣花樓閣五雲城，王母親將下玉京。

恩露遠分瀛海潤，文星先注越山明。
河經宿雨仙舟駛

張定公文集卷之十一

七一

簾捲春風舞袖輕，我亦有親歸未得薊門南。
望不勝情

陸都水母封太安人陳氏六十壽詩

吳會初傳賢母詞，碧山梅雨動涼颺。
一週花甲賸光寵，三世德門徵孝慈。
籠錦斑衣人似玉，吹香瑤席酒如也。
白雪不爲長江浪，移入京華慰所思。

送陳沂州名簪

十年文藻憶成均，見爾重嗟久困身。
終有文章驚太宰，遂看名譽動朝紳。
琴徽欲試金螺月，卮酒聊娛玉署春。
五馬清薰童冠侶，絕憐沂水詠歸人。

送魏淺齋撫河南

皇心日夜軫民窮中土綏懷盡屬公雲裏身袍金掌靈
雨餘飛蓋麥秋風芳流白下追思獨歲歉河陽待哺同
鄉國老成名不忝早聽籌畫報宸聰

還金紀

桂林楊翁事也其孫夔守琇請詩詠之

平生自信心如水不染寰中半點塵人事做來無暗地
念頭生處總陽春慶流孫子知訖穀壽滿期願見葆真
桂嶺只今傳盛美汗青千載譽長新

李本立新居成索賦

新構鄴城似畫圖好峯三十競紛敷文灑漫湧蓬萊水
筆勢時凌日月湖醜酒軒轅春草碧捲簾樓閣暮雲孤

張定公盦集卷之十一

試衣比斗瞻

宸極驄馬英聲滿上都

壽費鵝湖閣老

弱冠閣試騷賦鵝湖嘗見鑒賞

黑頭端揆蚤完名春日鄉山袞繡明霄漢再瞻黃鵠舉
滄江一共白鷗盟天涯壽酒勞吟望年少風騷誤目成

最喜謝庭紛玉樹秣陵時得話平生

追送林貳守

林名繼賢公庶勤慎到郡攝篆數月以考察去官郡人惜之

羸馬蕭蕭下海堞膏霖千里注如泉肥親不寤桑間雉
許伯終閒陌外人去石樓空夜月夢回霞嶼獨寒烟
口碑載路詩成帙此是如今已定天

壽東峰翁八十

綠尊青菊未衰身已歷昇平八十春天上三台燭賓館
門前五柳隔囂塵田何弟子皆英傑魏野詩章滿縉紳
况是東峰瑤草足露華頰逐歲華新

寄壽陳高吾少司馬

頻瞻嶽麓想容輝京闕欣逢令子來七十峰中雲欲起
九重天上日初回江湖一繫蒼生望廊廟全需合抱材
最喜斑衣籠畫錦長歌白鶴薦霞杯

聚奎堂燕坐次未齊宮保韻

二首

清朝文運喜天開借計齊看萬國來側席久應勞

張定公回文正集卷之十一

九

王宁蜚聲先已動金臺巧當三試皆晴日定擬層霄得
俊才幾夜月沉眠未得燭花騰彩上中台

蕪甸燈火棘圍深此日乘閒試越吟開卷每驚雲錦麗
虛懷長對鬼神臨庭含宿雨春衣薄門掩東風午漏沉
明發卷阿當扈蹕鳳梧多少愜

天心

和介溪宗伯遊西山諸寺之作

二首

山寺夕陽飛蓋下夾溪松栢梵音來長廊振屐星辰動
彩閣揮毫烟霧開行傍月厓寒溜滴坐聽霜葉暮砧催
仙翁老覺精神健遊覽都忘石磴嵬

石峰層翠倚蒼天上客重臨更洗然祇樹盡含仙掌露
曇花齊帶玉樓烟寒窓聽偈燈頻剪幽閣談詩席屢前
一顧邊關鈴柝靜卿雲祥靄自堯年

和介溪宗伯六句初度之作因以爲壽

二首

文章事業無華國宇內從前見幾人萬劫桑弧真自奮
百年花甲又重新和羨欲試官家鼎朋友初分御榻春
擬挈群生躋壽域願言珍重不貲身

遭逢禮樂脩明日染翰朝朝侍

聖人東觀校讎名已舊南宮風議

寵逾新重回甲子無窮曆獨領乾坤不盡春弱歲早披

張定公回文集卷之十一

十

蒼隼翼白頭空愧長餘身

送南京府丞朱二峰之任

京華七載論交契萬玉班中數最賢衣袂不教塵染素
筆峰時見力回天秣陵風景當春日吳地征徭異昔年
南國正逢

龍輦下待移舟楫濟長川

龔雲岡母太孺人生旦

閩中十月百花開學士瀛洲首重回慈訓早應聞四國
瑞光今已燭三台瑤池靜聽籌添屋仙掌榮分露滿盃
清世山河無阻隔白雲須向玉堂來

送許國忠令壽光

祥鸞莫歎棲叢棘曾見天池變化無孺子滄浪還自濯
莊生牛馬任人呼水鳴東岳賡絃誦山入熙臺列畫圖
花下板輿春正好五雲深處看飛鳧

詹事府履任與諸宮寮會燕

次松臯太宰韻二首

畫堂西敞遠山蒼晝日仙寮幾侑觴會喜承華成羽翼
共看詒燕足賢良天依碧海龍圖裏人在清風鶴禁傍
禮至定應情味洽萬年文運卜亨昌

深院無風玉樹蒼冠袍楚楚薦瑤觴高懷夙與斯文契
清世誰如此會良陽德浸升青海上奎躔長倚少微傍

張亨定公國文高集卷之十一

十一

河隄晚映寒山碧御月祥烟泰道昌

又答松臯

桂坊清切禁烟蒼太宰華篇照羽觴盛際百年興禮樂
秀鍾千載屬元良公今作雨施天下我亦乘風集
帝傍勝會不須辭漏永况看蓮炬曜文昌

又答渭涯

三載重逢感艾蒼上方俱醉紫霞觴夏書出洛先占啓
漢綺回朝不爲良幼海妙通三島勝瑞虹光注五雲傍
陳圖省識筓禽意惟願同寅翊世昌

又答儼山

好

山

良

風

巨龍山 火字良陽

笑心喜

又依松亭

山塔烟會太幸

載層元長公公作雨

以勝會不

載重逢感艾蒼上方俱醉紫霞觴

不為良幼海妙通三島勝瑞虹光

圖省識答禽意惟願同寅翊世昌

又答儼山

卮酒天涯喜懼心垂老看人紆白玉臨岐贈汝乏黃金
還家爲語諸兄弟宮闕高秋聽好音

送陸甥宗仲歸鄞

鳳池三載敘良緣細柳新鶯又別筵夜月清尊看玉潤
碧山幽館下金蓮圖書擬副青雲志甘旨行娛白髮年
老我欲歸猶未得天涯分手一潸然

壽陸親母七旬生旦

五雲深處蓬萊島華髮尊前玉樹暉精健已看人世少
遐齡况復古來稀庭虛鳥哢傳歌席簾捲花枝映舞衣
我亦有親京苑住日迎仙母過萱闈

張定齋全集卷上

十三

送胡桐涯別駕之四明

潞水風輕片片舟無人不道這賢侯綠雲千樹鴈迷葉
黃鳥一聲春滿樓芳墅書看吳會錦麥郊涼動越山秋
鳳凰棲處梧陰合今日明州是樂州

送趙易厓貳守之四明

烟花二月下青徐五兩春風縱所必棣萼輝聯
棹庭聲接舊尚書天南獨跨揚州鶴海東仰養石
老惟四明歡正劇放牛西牧候巾車

送張德輿上舍齋

詔吳中領道

冊道

萬國

鳳書

長楊

意直下天南烟水鄉梅意臘容分綺席萱堂春色動霞
觴知君慣識天孫錦歸向壁雍看七襄

張文定公四友亭集卷之十一

張文定公四友亭集卷之十一

十四

